



Tir Yimyim

www.tiryimyim.in

Regd. No. RNI. NAGAAO/2004/13113. Postal-NE/RN-717.

e-mail : tiryimyim@gmail.com

TAPAK 7

Yangia anidakangma :

f Tir Yimyim

ig tiryimyim@aolima

yt tir yimyim

TAPAK 8

Cipher case nung Pakistan SC-i
Imran Khan nem bail agütsü

Bajrang Punia-i pa indang Padma
Shree Award meyipa agütsütsü

VOL. XXI NO. 76 (ADOK 76) DIMAPUR KÜPTOKNÜ (SATURDAY) LUCHII (DECEMBER) 23, 2023 ₹ 5.00

Tripura nung urban & tourism services asoshi sen million \$100 amshitsü

Guwahati, Luchii/December 22 (Agencies): Tripura nung urban services aser tourism facilities tajungba kumdaksütsü asoshi Government of India-i Asian Development Bank (ADB) den sen million \$100 aputsü tezüngzüktep ka Hokulbarnü zülutepogo.

Iba loan agreement nung Tripura Urban and Tourism Development Project atema meyongnem agütsür ya Government of India atema Ministry of Finance nungi Jui Mukherjee, Joint Secretary Department of Economic Affairs

liasü aser ADB asoshi Nilaya Mitash, Officer-in-Charge of ADB's India Resident Mission liasü.

Loan agreement zülutepba sülen, iba project yagi urban local bodies (ULBs) nung municipal infrastructure aser public services den Tripura nung national highways tajungba kumdaksütsü aser tongtipang tourism sites yanglushitsü, ta Mukherjee-i ashi.

"Iba project yagi state ya northeast region asoshi 'gateway' ka ama highways anasa tourist temi sapuba tesentem yanglutsü, aser urban governance tajungba akumtsü," ta Mitash-ia ashi.

Raj Bhavan Kohima nung AB Vajpayee asoba anogomung amung



Dimapur, Luchii/December 22 (TYO): Dr Imkongliba Hall, Raj Bhavan Kohima nung December 22, 2023 nü Atal Bihari Vajpayee Jayanti munga liasü, kong Nagaland Angh La Ganesan, Advisor to CM Abu Metha, TaFMA keddangsurtem, Rattle and Hum Music Society, alaketa jaokertem, Raj Bhavan Kohima indang officers aser staff tem dena liasü.

Asen linük indang yimtenren tsütsü mamashiteta maitsü yutsüsang bilemteta iba anogomung amungba atema

Angh-i lokti den tepela lemsatepa liasü.

Vajpayee ya nukla tajung akaba lenir ka liasü, shibai ajak awajema yimsütsü tongtipang ta angateta liasü aser ideologies aser kin balala tsüngta tawa aliba asungtsü asoshi anibelem mesasai inyak, ta Nagaland Angh-i ashi.

Pai maneni iba sentong nung adenertem dang Vajpayee-i telungjem, timtem aser tetsükdaksü balala liaka nukjidong atongtsü meranga inyakba, linük ajungtsü asoshi bendanga agütsüba yimyatem

bilemtetsü ayongzüik aser pai mapa tajung inyaka yutsüba ajanga len anitsü imlaba lemsatepa liasü.

Angh-isa telungjem nung tashi aliba aser arok nukjidong asoshi inyaktsü ayongzüika liasü.

Iba sentong nung Advisor to CM, Abu Metha-i jembidang Vajpayee ato kilonser kümsük tasembuba inyakdang state semdangba bilemteta jemi.

Secretary to Governor, Rajesh Soundararajan, IAS ajanga Vajpayee indang takum otsü tongmelang agi lemsatepa liasü.

METETDAKTSÜR:

December 23, 2023 anogo nungi December 26 tashi Tir Yimyim nung inyakertem Christmas sodi agir, anungji December 28, 2023 adok nungi dang Tir Yimyim angutsü.

Tir Yimyim azüngertem ajak nem Tsüngrem temeim Christmas salem agütsür. Tsüngremi Christmas mapang aser teti nenok taküm aser kibong nung tesünep aser tepela lidakjangma !

- Yimozülur.

Naga Political Issue nung terenlokba makai 2023 küm tembanger

Kohima, Luchii/December 22 (TYO): Nagaland asoshi 2023 ya election küm ka liasü aser NDPP-BJP indang Peoples' Democratic

Alliance (PDA) sorkar nem kümsük tanabuba agütsü, saka nüburtemi mapang talangka nungi yongya aser aginüa aruba Naga Political Issue (NPI) ken o tatembang kati marutet.

Nüburtem asoshi taküm elections ya balaka liasü, kechiaser nüburtemi Neiphiu Rio kümsük pungo buba Chief Minister inyaktsü shima North East Region nung chief minister talangtiba inyakdang kumdaksü.

PDA ya election magidang yongi Nationalist Democratic Progressive Party (NDPP) aser BJP tsüngta pangjemetepba lir, aser February 27 nü general election agia March 2 nü iba osang sangdonga electorates telemetba nung temelenshi tulu liasü.

Nüburtemi tejak tasen shilem 50 jungnüa nem vote agüja Assembly nung züngsem 60 aliba nungi 27 bo tejak tasen lir.

Statehood ngur Nagaland nung otsü tasen yanglua tetsür legislators ana - Salhoutuonuo Kruse aser Hekani Jakhalu Kense, Assembly nung mezüngbuba shimteta liasü.

Assembly menden 60 aliba nungi election ya menden 59 asoshi agi, kechiaser Akuluto nungi BJP nominee aser teinyakdak MLA, Kazheto Kinimi den tokteper makai pai iba menden akok.

Ajisüaka NDPP aser BJP naprong menden tulu kar akoksa aser item rongnung NDPP nungi Neiba Kronu ya mezüng tokteper aser Independent candidate Dr Neisatuo Mero-i Pfutsero Assembly Constituency nung tsükdaksü aser BJP minister, S Pangnyu Phom ya ano mezüng

tokteper, NCP nungi Pongshi Phom ajanga Longleng menden nungi atsüngdok.

Ano BJP nungi minister inyaka alisang Kashiho Sangtam ya MLA tejen aser NCP nominee Kipili Sangtam-i tsükdaksü.

BJP national spokesperson aser Bhandari nungi anaben MLA inyakdang Mmhonlumo Kikon ya NPF secretary general Achumbemo Kikon-i tsükdaksü. Ajak sentep taoba United Democratic Alliance (UDA), Rio kübok party ajak aliba sorkar nung MLA teinyakdak 30 tashi election nung tamakok ajurua liasü.

NDPP-BJP tsüngta menden 40:20 lemsaba nung temendak MLAs, talisa Naga People's Front (NPF) nungi (election matongdang NDPP dangi oaka) ticket magütsü saka parnok danga political party tem nungi tokteper aser tamakok ajurua liasü.

2018 küm NPF-i menden 26 nung takok angu, saka taküm candidate 22 nungi anati dang takok angu.

Danga party tem nungi NCP-i menden tenet, NPP menden pongu aser JD(U) menden ka ngutet.

State elections nung mezüng shilem agir Republican Party of India (Athawale) aser Lok Janshakti Party (Ram Vilas) nungia menden 2+1 nguteta liasü.

Kasa mapang Nagaland anüdoklen Tapi Assembly Constituency nungi NDPP MLA Noke Wangnao arishi küm 86 lia August 28 nü asü. Pa iba constituency nungi tokuben tashi shimteta liasü.

Iba sülen November 7 nü by-election agiba nung PDA ajanga mulunga shimba aser NDPP candidate Wangpang Konyak-i Congress candidate Wanglem Konyak madak ayong-ayonga takok angu.

NDPP-BJP alliance asoshi majority tejangja, menden 37 ajangzüktetaka danga political party nungi züngsem 23 (NCP legislator tenet densema, shirkon opposition shilem agütsü imla liasü) PDA sorkar yaritsü sangdonga state nung kümsük asembuba all party government kumtet.

CM Rio-i NDPP aser BJP züngsem ajak nem portfolios balala lemzütsü, saka danga political party nungi züngsem kata nema portfolios agüja mali.

Ajisüaka küm aika jembia aruba aser election shia political party ajaki teinyaktsü mezüngbuba ta sangdonga aruba Naga Political Issue ya tesülen atsüngzüika ao amai ajiteter, kechiaser state sorkari tang tashi political affairs committee (PAC) kata meshimtet mesüra solution asoshi ken o jembishinürtem dang ajungshitsü atema joint parliamentary committee meshimtet.

Taoba mapang state sorkari NPI asoshi joint parliamentary committee shima liasü, kong Assembly indang political party ajak nungi züngsemtem shimoka liasü.

Centre-i 1997 nungi NSCN-IM den balaka jembishinür aser telok tenet aliba Working Committee of Naga National Political Group (NNPG) den 2017 nungi balaka jembishinüa arur.

NSCN-IM den August 3, 2015 nung Framework Agreement zülutepet küm ti süyogo aser WC NNPGs tem den November 17, 2017 nü Agreed Position zülutepet küm trok süyogo.

NSCN-IM ya Naga nunger asoshi wako aser constitution balaka aser India nung state pezü, Arunachal Pradesh, Assam,

Manipur aser Nagaland aser ano Myanmar nung prokshia aliba Naga nunger ka kuma lungjemtsü akhangba nung temulung masetsi lir.

Ajisüaka Government of India-i iba takhangba agütsütsü memulunger.

Külen NNPGs indang WC-ibo kechisa agütsüdir agizüktsü mulunga aliba lemsatepogo aser maneni jembishinür.

Ajisüaka tang tashi Centre aser Naga nunger telok balala jembishinüba nung terenlok balaka mali aser NPI nung tangatettep ka yongya ano küm ka atemer.

State asoshi yimtenren tsütsü terenlok kaji Nagaland Municipal Bill 2023 tasenba November 9 nü agizükba ya lir, kong tetsürtem asoshi menden shilem 33 wazüka yutsür.

Nagaland nung Urban Local Bodies elections ya mapang talangka magi arur, kechiaser iba atema tesüsaba election ya 2004 nung agia lir.

Iba sülen Naga nunger yimjung ken o jembiba tatem kati maruba mechi election magi aser Supreme Court ajanga asüngdangba ama tetsür asoshi menden shilem 33 wazüka ayuba mechi aser ano kija ali aser ki o jen nung tax meshiba ken o mechi election magi aru.

Taküm March session mapang Assembly nung Nagaland Municipal Act, 2001 agiena tribal bodies aser civil society organisations temi aginüba ama 33 per cent women reservation aser ano ali aser ki o jen nung tax keter ozüng tasen ka benoktsü lemtet.

Tribal bodies temi tetsürtem nem menden wazüka yutsüba anema nokdaker aser ibai Naga nunger sobaliba den mapet ta ashir.

Parnoki ali aser ki o jen nung

tax meshiba nunga tai apur, aser ibai Constitution indang Article 371 (A) den mapet ta ashir, koba ajanga ali aser ki o jen nung Naga nunger nem temeden balaka agüja lir.

Assembly Select Committee-i November 6 nü Eastern Nagaland Peoples' Organisation, Central Nagaland Tribes Council aser Tenyimia Union Nagaland den senden mena Bill tasenba agizüktsü mulungtep aser Assembly nung November 9 nü emergent session amendang CM Rio-i iba Bill benokdang, Municipal Bill tasenba nung ali aser ki o jen nung tax meshiba ozüngtem agienogo ta shia liasü.

Supreme Court ajanga tuyuba ama bill nung ULBs asoshi tetsürtem atema 1/3rd reservation yutsü aser state nung apex tribal bodies temia agizükogogo ta pai ashi.

Ajisüaka taoba Municipal Act nung ULBs indang chairperson asoshi 'one-third reservation' aliba Municipal Bill nung meinok.

Municipal Act tasenba ya küm ter nung khen lepa repringtsü, koba CSOs aikati mulunga lir.

Yimtenren tsütsü tatalokba balala lia Nagaland nung 2023 küm benjong agi tembanger, koba anogo ter Hornbill Festival nungi tenzüik. Naga Heritage Village, Kisama nung December 1 nungi 10 tashi iba benjong amungba mapang tesemdang nung 1,54,057 liasü. Yangji locals 1,14,860 liasü, domestic tourists 37,089 aser bendanger 2,108 liasü.

Khristanpur timba sür aliba state nung tang Christmas benjongmung nung 2023 küm tembangtsü lir aser kaket reju ajak shibangogo aser danga institutions aser sorkar office tem December 23 nungi January 1, 2024 tashi shibangtsü.

PGCIL-i Mokokchung Child Helpline nem Rescue Van agütsü



December 22 nü DC office complex, Mokokchung nung sentong ka agiba mapang Powergrid Corporation of India Limited-i Child Helpline 1998 Mokokchung nem Rescue Van ka agütsüogo.

Dimapur, Luchii/December 22 (TYO): Powergrid Corporation of India Limited-i (Government of India Enterprise) Child Helpline 1998 Mokokchung nem Deputy Commissioner Thsuvise Phoji ajanga December 22 nü Mokokchung DC indang Office Complex nung Rescue Van ka agütsüogo.

PGCIL aser DC Mokokchung na tsünga October 11, 2023 nü Memorandum of Understanding (MoU) ka nung sign süa liasü, koba PGCIL indang Corporate Social Responsibility (CSR) indang inyakyim nung shilem ka lir. DC Phoji-i, iba inyakyim tajung asoshi PGCIL nem tenüngsang agütsü aser ashiba

agi, iba ajanga Mokokchung district dang masü saka kidanger district tema ajangzüksü. Sentong nung DCPO Mokokchung Samuel-i tepela o jembia liasü. Iba sentong nung Jasmine Ashao, SDO (C) Mokokchung aser Child Helpline, Mokokchung nungi tanga ketdangürtemia shilem agia liasü.

Meghalaya nung Congress-i sorkari aitsü

Shillong, Luchii/December 22 (Agencies): Meghalaya atema teblemtsü kaji kaketshirtem aika school tembanga mezüngi toktsüba ya lir. Kaketshirtemi Class 10 nung school toktsüba dak sendakba nung Meghalaya ya linük nung tasembuba jenjang nung lir aser kaketshirtem shilem 33.5-i school toktsütsü teletetba agir. Union Education Minister Dharmendra Pradhan-i Hombarnü Lok Sabha nung ashiba agi, Meghalaya ya India nung kaketshirtemi Class 10

nung school toktsüba dak sendakba nung tasembuba jenjang nung lir. Class 10 nung school toktsüba dak sendakba nung linük indang dropout rate ji 20.6 per cent lir aser state ajak rongnung Odisha tamajungtiba aser iba sülen Bihar lir. Congress MLA, Saleng A Sangma-i ashiba agi, state sorkari iba ya süoki ia magir ama bilemer. Pai ashiba agi, school züngtur anener timba akümba tetezü khuret talila kechiyong iba ajanga unemployment adokdaksür aser lokti anema

inyaksangshirtem tali kümdaktsür. "Asen tanurtem yamai school toktsüba ya kanga dang süoki ia agitsüla. State tarutsü koma asütsü?" Tarutsü lokti koma asütsü?" ta pai asüngdang. "Asenoki entrepreneurship programme, employment indang jembir saka dropouts tembo sentoka toktsür," ta pai shisem. Sangma-i ashiba agi, sorkari dropout rate tajemba kümdaktsütsü merangtsüla aser item tanurtem nem kaket shisatsü agütsütsü asoshi rangloker inyaktüla.

Chumoukedima nung mejangjaba tasü mang ka ngutet

Dimapur, Luchii/December 22 (TYO): December 19 nü 3:20 ako shi nung Tenyipe yimtsüng nungi Khriebulie-i Axis Bank, Chumoukedima anasa mejangjaba tasü mang ka ngutetba indang osang Chumoukedima Police Station nem agütsü. Osang dak ajemdaker duty party iba tesemi aritepa ao aser arishi küm 30 nungi 35 tsünga asütsü ta bilemba tebur (non-local) ka Ward-7, Chumoukedima nung azüki ka nung sür (shiatoker) lia nguteta liasü. Tasü mang ngutetba sülen iba tesem nung aliba nüburtem, Hindu nungertem aser Ward-7 GB dang ken o ashishi, ajisüaka

parnok shingaia asü sang maitsü mejangjai liasü. Temzüng ozüng kübok tinyaktsü maparen ajak tembanga inyakba sülen tasü mang ya post-mortem examination aser identification atema District Hospital morgue-i yokogo. Asü sang sentsü tanak, ku tanak aser pai sky blue tola ka, long pant blue, telung süoshi aut sentsü aser sandal semer liasü. Iba dak sendakba nung asü sanger kinunger aser medemertem dang Officer-in-Charge, Chumoukedima Police Station. (Mobile No. 7085065161) den tongteprateptsü asoshi mepeshia metetdaksüogo.

Kohima nung Chakhesang Arogotemi merekmeju sentong ayongzüka agi



Kohima, Luchii/December 22 (TYO): Kohima Chakhesang Pastor Fellowship tawabangba kübok, Kohima nung aliba Chakhesang Arogo tem nungi Men Department aser Steward Committee-i ayongzüka merekmeju sentong ka December 22 nü agiogo. Nagaland Baptist Church Council (NBCC) Convention centre nung Christmas sentong agitsü aliba aser Naga Students Federation (NSF) Soladarity Park nung lokti chiyong chiyongtsü aliba dak sendakba nung iba merekmeju sentong ayongzüka agiogo. Celebration Publicity Committee-i sangdong ka ajanga ashiba agi, Hokolbarnü NBCC convention centre aser NSF Soladarity Park merekteta liasü. Merekmejuba den külemi item tesemtem nung metsümeshidak aser janabendak yanglua liasü. Iba merekmeju sentong nung

Arogo balala nungi pastor-i anir Arogo tenzükte mi shilem agia liasü. Kasa mapang nung General Secretary, NBCC Rev. Dr. Zelhuo Keyho-i, tekülem sentong nung "The word became flesh" (John 1:14) onük nung ajemdaker o jembitsü. Kohima Chakhesang Pastor Fellowship mendenbuba Rev. Dr. Vevo Phesao-i lokti pela agizükba o jembitsü, Pastor CBCK Rev. Vikuo Rhi-i Tsüngrem temaotsü meshizüka sarasademtsü, Sr. Pastor, CCRC, Upper PWD Rev. Zhouhuyi Nyekha tatem sarasadem agitsü aser Rev. K. Luruo-i chiyongtsü meshiteta sarasademtsü. Temetetsü kaji Arogo ajak longjemer küm pongu nung khen Christmas sentong ayongzüka amunger aser iba mapang Central Committee-i, denomination kecha melemdangi ajak jaoker.

**Indian Oil Corporation Limited
Bharat Petroleum Corporation Limited
Hindustan Petroleum Corporation Limited**

**RETAIL OUTLET (PETROL PUMP)
APPLICANTS KHAN KARNE NOTICE
FRAUDSTERS KHAN KE HOSHIYAR THAKIBI**

Amikhan jani paishe ki unauthorized manu khan nahoile organizations khan misa mishi Oil Marketing Companies (HPCL/IOCL/BPCL) khan laga naam loikina thokai dibole Retail Outlet (Petrol Pump) laga dealership offer kuri ase.

Itu khan thokai dibole laga communications khan toh expect nakuria email, chitti, messages nahoile calls para misa mishi OMC represent kure koi kina Retail Outlet dealership award nahoile grant de koi kina thokai dia laga information di kina unsuspecting public khan be thoka bole kure. Kumba messages toh recipients khan ke misa mishi laga bank accounts te activities land evaluation nishina karne payment kuribi koi.

Jukai dia laga ekta sample message aji kali circulate hoa toh inika pure: "Dear Customer, apuni laga petrol pump dealership application toh successfully approved hoishe. Itia toh apuni bank account details logote niche te di kina rakha account te registration charge payment dibo lage."

Itu bank account khan toh misa ase aro OMCs (HPCL/IOCL/BPCL) khan laga naam te nahoi.

Public khan nakli websites/ emails/ phone calls etc khan te acess nakuribole / jawab nidibole koi ase. Notun Retail Outlet Dealerships aro payments modalities karne hosa laga information toh OMC laga official website www.petrolpumpdealerchayan.in te hi biswas kuribi. Itia tok toh OMC para kon agency nahoilebi manu khan ke tai khan laga behalf te nation sop te Retail Outlet dealers laga selection nahoile appointment kuria nai. Agency nahoilebi manu kon ke bi candidates khan logote dealership selection karne authorized kuria nai. Ekta janibo lage toh OMCS para generic email addresses GMAIL, Yahoo etc nacholai aro WhatsApp para bi communicate nakure. Applicants khan sop payments, application fees aro initial security deposits toh khali official website www.petrolpumpdealerchayan.in para hi kuribi.

Jodi kumba suspicious activity dikhi she koile, incident toh tai khan laga local police station te report kuribole kobi. Aro jodi OMCs laga naam loikina kunba suspicious activity dikhi pai le, osor laga HPC/IOC/BPC office office te bi contact kuribi, kile maane itu para itu nishina thokai dia websites khan logote action lobole modop kuribo.

DISCLAIMER: OMCs toh unauthorized aro misa mishi website te jaankari eku laga zimedar nolo bo. Nahoile public khan luksang/losses nahoile biya/damage hoa, information unauthorized portals, websites, nahoile email damain para loa laga eku liability nolo bo. Nahoile imposters/ manu khan OMCs para authorized nakuria khan logote deal kuri kina luksang/biya hoa toh liability nolo bo.

Itu opor public notice toh general public khan ke thoka dia kaam laga hoshiyar thakibolebaro general public interest karne ase.

GPRN/NSCN Ato Kilonser N. Kitovi-i Christmas salem lemsatep

Dimapur, Luchii/December 22 (TYO): Ato Kilonser, GPRN/NSCN, Convener WC, NNPGs N. Kitovi Zhimomi-i sangdong ka ajanga Christmas benjung salem Naga nunger ajak den lemsatepogo. Kinü tanur Yisu Khrista asoba mapang alima benjungtepba kecha maliasü. Pa asoba mapang reongsenketzüng sayuba mesüra osang sangdongba aser lokti adenshiba kecha maliasü. Ajisüaka alima ajunga ya mapa tamajung, meromero aser temenen agi dang sünger liasü koba Herod Chubai kanga janga sayur. Iba mapang meimchirtem kanga mepetmesü nung liasü aser tanüa kasa temenen agi asenok amokbanger lir. Ajisüaka mimchir asoshi tulusang Tsüngrem sentong aser tenangzüka tulu liasü aser küm meyirejang ana tejakdang

temeshi aonung ka nung pai Laishiba nung shia aliba ama pa ajaso chir iba alima nisung kümer yok, koba meimchirtem asoshi sempet tulutiba lir. Yimtsüng tila, jila mesüra yimti tulutem nung asenoki taküma Christmas amungba mapang kija aser lokti ajaki asen mulung reprangshiti aser asen tashimait aser temenentem atema Tsüngrem dang tatok meshiti. Christmas ya lenirtem aser tanidaker ajak asoshi tatok meshiba, Tsüngremer shisatsü meshiba aser pa taochi meshiba mapang ka lir. Asenoki lepa reprangshia Yisu Khrista dak tali tamang kashiti. Naga lima, Naga nunger lokti tentet aser chirnurtem timla, pungmang mangdang, tejangraba aser nükjidongtem iba benjung mapang tali tashi itshidaktsüti, ta paisa kasa sangdong ajanga lemsatep.



Jammu, December 22, 2023: Brihostibarnü Poonch district nung sepai pongu khasetba anema Hokolbarnü Jammu nung Jammu & Kashmir Mission Statehood züngsemtemi longkak aيتدang tangokba noksa nung angur.

January tashi nungbo INDIA teloktepi menden lemsatsüla: Nitish Kumar

New Delhi, December 22 (Agencies): Tawa opposition INDIA teloktep senden nung Bihar Chief Minister, Nitish Kumar-i January ita tashi nungbo iba teloktep nung party tem tsüngda menden lemsatsüla, ta Hokolbarnü JD(U) lenir kati metetdaksü.

December 19 nü Delhi nung INDIA teloktep senden nung adensang aser JD(U) national general secretary, Sanjay Kumar Jha-i, "Nitish Kumar-i sangküm January ita tashi nungbo party tem tsüngda menden lemsar alitsüla ta shiogo. Iba sülen party temi Common minimum programme (CMP) ka renemtsüla, kechiyong tang aliba sorkar anema asenoki onüktem benoka nüboyim tenzüksüla, ta pai shiogo," ta metetdaksü.

"Ghonda asem ser tesadang shi senden nungji nia denogo; senden amenba mapang piyong o kanga junga dang lemtepogo. Osang tai kar lemsatepba ajanga onok süngmanger," ta Jha-i Patna nung osangbenertem nem metetdaksü.

"Nitish Kumar-i iba teloktep nung pa convener shimdaksüner, ta prokba osangji tai. INDIA teloktep tentetba nung pai tongti shilem agiogo. Tatembangsa menden lemsaba sendenji Bihar nung ayongzüka alitsü onoki imlar. Yangibo onoki tetsükdaksü majurur," ta pai metetdaksü. JD(U) lenirisa, "Party national executive aser national council senden taruba hopta Delhi nung ayongzüka amentsü; iba ama senden ya khenkhen

Patna nung aser khenkhen Delhi nung ayongzüka amener. Iba nungji tesüngmangtsü kecha mali," ta ashi.

2024 küm Lok Sabha election nung BJP-i aniba NDA anema longjemer tokteptsü atema opposition party 20 dak temai INDIA teloktep ya tenteta liasü.

Ano tanga osang ka nung, asükwa mongpu Parliament senden nung House anaprongla nungi opposition MP 146 anentsüba anema December 22 nü Jantar Mantar, New Delhi nung Opposition INDIA teloktep nungi lenirtemi longkak aيتدog.

Congress Tir, Mallikarjun Kharge leniba nung Left parties, DMK, NCP, SP, NC, TMC, JMM aser RJD densema party balala nungi lenirtemi longkak ait.

R-Day sentong nung tongti tejaokerji France Tir Macron asütsü

New Delhi, December 22 (Agencies): Sangküm January 26 nü India nunger Republic Day anogomong sentong nung tongti tejaokerji France Tir, Emmanuel Macron asütsü, ta Hokolbarnü External Affairs Ministry-i metetdaksü.

"Ato kilonser Narendra Modi-i jaokba ama France Tir Emmanuel Macron-i India semdanga 75buba Republic Day benjungmong nung tongti tesemdanger asütsü," ta EAM-i metetdaksü.

India nunger Republic Day sentong nung tang agi trokbenbuba France nunger Tir

ka tongti tejaoker asütsü. Macron jakdang taoba mapang France Tir Jacques Chirac 1976 aser 1998 küm na nung tongti tejaoker liasü, taoba mapang Tirtem Valery Giscard d'Estaing, Nicolas Sarkozy, aser Francois Hollande nunger 1980, 2008 aser 2016 kümtem nung tongti tejaokertem liasü," ta kasa sangdong ajanga metetdaksü.

India aser France na regional aser international onük aika nung asalentong partners lir. Taruba küm India-France Strategic Partnership küm 25 ajungtsü.

Ministry of External Affairs-

i, 2023 küm July 14 nü Paris nung ayongzüka Bastille Day Parade nung Ato kilonser, Narendra Modi tetushi tejaoker liasü, ta metetdaksü.

Taküm September ita nung France Tir Macron-ia India semdanga G20 Summit nung dena liasü, iba mapang nungji Tir Macron aser Ato kilonser Modi na jurila senden ka amen.

India aser France na sectors aika nung amalitepa inyaker, aser tongtibang sector rongnung defence, space, civil nuclear, shishilembaba, investment, shisaliok aser sobaliba densema lir.



Faridabad, December 22, 2023: Asükwa mongpu Parliament nung opposition MP aika anentsüba anema Hokolbarnü Faridabad nung Congress nung inyakertemi longkak aيتدang tangokba noksa nung angur.

India ya democracy linüktem den ang medemdangtsüla: PM Modi

New Delhi, December 22 (Agencies): India aser China na aiben medemdangba dak sendakba nung Ato kilonser, Narendra Modi-i, India ya kidanger linük (China) den masü saka tanga democracy linüktem den ang medemdangtsüla, ta ashi.

Tawa interview ka nung India nung mapa manguba tebilemtsü, ketdangtsüba tsütsü tetsükdaksü aser skills gap tebilemtsü dak sendakba tasüngdangba ka langzudang tebilemtsü onüktemji atangji asü nungbo India-i alima nung rongsenkettzüng tekeratiba ainba jenjang ya majangzükteti lila," ta ashi.

"Item tebilemtsüji aiben bilemba ajanga dang adoker," ta pai ashi.

CMIE data ajanga India nung mapa manguba tebilemtsü tuluba akümba osang metetdaksüba dak sendakba nung Modi-i, Periodic Labour Force Survey (PLFS) report ajangabo India nung mapa tasen

adokdaksüba kanga keraa kümogo, ta metetdaksü.

Paisa, alima nung international company aika nung India nunger CEOs aliba ajanga India nung skills gap maliba sayur, ta metetdaksü.

India nunger Satya Nadella, Sundar Pichai aser Arvind Krishna nunger kanga tongtibang companies-Microsoft, Google aser IBM nung CEOs kümogo, parnoki Pepsi aser Mastercard nung tongti Indra Nooyi aser Ajay Banga nunger tsüngsü nung anidaker, ta pai ashi.

Opposition-i, India nunger democracy amokmeren jenjang nung lir, ta jembiba dak sendakba nung Modi-i, "Onok aitsürtemi parnok tebilemba jembitsü akok aser itemji jembitsü atema parnok dak temeden lir. Ajisüaka tai tongloksübaji aiben tai apuba amai lir. Item ama taittsüba ajanga India nunger intelligence mezüngmeshiba dang masü saka democracy-a ilatsür," ta ashi.



December 22, 2023 nü New Delhi nung osangbenertem senden ka nung Union Minister for Parliamentary Affairs Pralhad Joshi (ajichi) aser Union Law Minister Arjun Ram Meghwal nati jembidang tangokba noksa nung angur.

Poonch nung sepaitem amakba JeM Front PAFF-i parnok sasa nangzük

New Delhi/Srinagar, December 22 (Agencies): Brihostibarnü Jammu & Kashmir kübok Poonch district nung sepai pongu khasetbaji People's Anti-Fascist Front (PAFF) teloki lir, ta parnok sasa nangzükogo.

PAFF ya kiralongrar telok Jaish-e-Mohammad nungi tentetba lir.

Brihostibar nikongdang 3:45 ako meta Poonch kübok Dhatyar Morh nung kiralongrartemi mendanger army truck ana amakdang army pongu asü.

Security agency temi ashiba agi, PAFF yagi Jaish-e-Mohammad (JeM) kübok inyaker aser iba telok ya 2019 küm Jammu & Kashmir nung sorkari Arla 370 agienba sülen Pakistan nunger itangitba agency ISI-i tentettsüba lir.

Tesüba ita ishika tsüngda Jammu & Kashmir nung kiralongrartemi amakba tatalokba aika tawa tentetba PAFF telok ajanga lir. Security agency temisa

ashiba agi, Pakistan nunger ISI-i kiralongrartem aika training agidakja Jammu and Kashmir kübok Rajouri aser Poonch districts-i yokba sülen security forces maakdaksür, aser kiralongratsü atema Over Ground Workers (OGWs)-ia shilem agir.

Brihostibarnü kiralongrartemi lenmang nung mendanger sepaitem amakba sülen PAFF-i social media ajanga Poonch nung parnoki US-made M4 carbine assault rifles amshia sepaitem amakba tesem noksatem lemsatepa liasü.

Hokolbarnü security sepaitemi Poonch district nung tesem aika mita ao aser National Investigation Agency team-ia kiralongrartemi amakba tesemji semdanga liasü.

General Officer Commanding (GoC), XVI Corps, Lt Gen Sandeep Jain-ia iba tesemji semdanga sepai aser police ketdangsertem den security tensa osang metetpela.



TIR YIMYIM YIMOBILEM (EDITORIAL)

DIMAPUR KÜPTOKNÜ, DECEMBER (LUCHII) 23, 2023

Christmas ya tila nung ataloker

Tang ama Christmas anogo atongtsü yongyaba mapang ya ajaklen kanga lungsuteper aser kanga mazüngi benjong amungtsü renemteper. Takar sensaker ajak pei pei yari benjong nung sübütsü, chiyongtsü aser pelateptsüba sentong nung sen aser mapang endoker. Iba mapang ya ken aser kongki olatema tanemi masü saka ajaki angashitsüsa alima ajak atashia atemba aser atenba mapang lir. Aji oda, takokeribo ki ajak 'decoration light' balala agi mesangbanga alima topur jungdaksür. Itemji kodang asenoki bilemdangdir, Christmas anogo ya kanga tulu, takar aser benjong tulu munga lungsuteperba anogo lir. Ajisüaka, kodang asenoki Laishiba nung Christmas tenzükba yimya aser tesemtem indang züngdangdir, yimti tulu nung tamaren kin tuluka nung, lokti tulu adenshia süoshi tajung agir chiyongtsü tajung chiajema tsüngsanga pelatepdak Christmas atalokba otsü mangutsü. Ajisüaka, mezüng Christmas yabo yimti tila ka nung, nashi ki tilaka nung, kinü tanur tilaka nisung ishikati semdangba otsü asenoki angur. Luke 2: 12 nung ashir, " Aser nenok dang tamaitüsü ya alitsü : nenoki kinu tanur ka kinü sü agi meir, tsük mejakdak su ka nung mejanga angutsü." Ibai Yisu asoba aonung kotak tenyar kati sannükertem dang parnok kümzüksü asoshi yokba Kümtetdakba ka soa aliba indang maibelentsü atema metetdaksüba osang lir. Kibuba kotak tenyar jagi yamajika sannükertem dang mashi asübo, ashiko parnokibo Kümtetdakbaji tamaren yimti tuluka nung takar aser tamarener ka kidangang akhüm ketketa nisung ka arua munga alitsü amaika bilemtsüa akok. Ibayongji, sannükertem nem kotak tenyar jagi Tsüngrem amungdak aser ajurudak tesem aser Tsüngrem yimya indang metetdaksü. Atangji, Tsüngremji ajak madak kibur aser takar aser tulusang Tsüngrem, saka asenok tsürabur otsü nunga Tsüngremji kodanga takar tulus ama ajuruba indang otsübo mali. Kasaji tanüa Tsüngrem tulusangji tila kümer asenok dangi aruba anogo Khristmas amongtsü asoshi asenok teyongyaba tulu lir. Ajisüaka, asenoki Khristmas-ji ki tulu tajung nung amung nung dang ajurutsü amai bilema amungtsü renema lira, Herod chubai Yisuji chuba ama soa alitsü ta bilema majurutet ama, asenokia Yisuji majurutsü. Aji oda, asenoki Yisuji benjong tulu ayongzüka sentong tulu aka nung dang ajurutsü amai bilema alitsüa akok mesüra Yisuji chubatem madak chuba asünungji nisung tain ka chuba amai chuba menden nung mena alitsü amai bilema alitsüa akok. Ibayongji asenoki Christmas mapang takar tulus dang bilemteter aser takar tulus kidangi dang aoer. Ajisüaka, Tsüngrem temeim yabo asenok dangi tilaka nungi tenzüka arur. Tsüngrem temeimji kaa itta alidak mejangjar aser tulus takartem aikati Tsüngrem temeim mereprangtetter. Kasaji, Yisu asoba aonung tangaribo petinu adoka angu saka Herod-ibo mangu. Kasaji, tanü asenok Christmas amungba mapang asenok aikati Tsüngrem temeim jungkai adokba petinuji mangutsüa akok, kechiyong asenoki Tsüngrem temeimji tenla tulu agütsüdak, benjong tulu ayongzüka akadak , asenok longsulongbendak aser yimten tashi tulu bener amenba kidangang arutsü aser angutsü amai bilema alitsüa akok. Iba ama bilema Christmas amongba agibo meputepang tali adoktsü aser Herod ama azü tokshitsü sentongang asatetsü. Aji oda, Christmas shitakba nung ajurunüra asenok tila akümtsüla aser tilar aser sensaker ajurubaji Tsüngrem ajuru amai teti bilemtsüla.

OLEMSABANG

Asenok koda lia aru ? Aji khen meyipa reprangshidi

- L.Kika Pongener.

(Yashi adok nungi...)

Asenok adenba aser asenoki tenzükba yimden aser loktiliba ajak nung, aseni akokba shilem tajung agia aruogo ma...??? Asen nem inyaksü temulong lemteta nungloktsüba mapa nung, nuburi hau...ta agizüktetsüsa aser Tsüngrem mulong achitsüsa ochishia ketdangsua/inyaka aruogo ma...??? Asenok aliba jila/yimtsüng aser loktiliba ajungtsü aser renloktsü atema inyakdang nubur tsüngdang aser Tsüngrem tsüngdang sentsüh masütsüsa inyaka aruogo ma...??? Yimden yimsusur aser lokti nung lennir ajaki pei tenzükba yimden aser loktiliba ajungtsü asoshi pei nija takoksa arema tenzüka/inyaka aruogo ma...??? Tesasatsüka, tanü asen yimden aser loktiliba nung lennirtemi pei yangkü asüngtsü arishia tenzükdang/inyakdang asen yimden/loktiliba rajang kümdaksür. Aji oda, nutsüng nubur-ia yimden/lokti temzüng-ozüng nung tashi anga-a anidaksü melena, yimden aser lokti temzüng-ozüng küpok melitet, ozüng raksar tali akümba agi, tanü asen yimden aser loktiliba ajunga yareta shiranger. Anungji küm piyong lia arudang, asen yimden aser lokti nung tamakok kar danga lira... khen meyipa reprangshidi.

Ano asenok adenba aser asenoki tenzükba Khristar arogo nung, nungloktsüba mapatem, nendak-nendaka, tamakok maludaksüi inyaka aruogo ma...??? Pei ajaba/shimtetba shitak meteta, arogopur aser Tsüngrem mulong achitsüsa inyaka/tenzüka aruogo ma...??? Arogo nung toklanga tenzükker (Full time) -temi shiranger kidangi oa sarasadem agi yariogo ma...??? Sentep-senji nung mejangrar kidangi oa Tsüngrem o shiogo ma...??? Yi-jemer, Mozül lar kidangi oa Tsüngrem o shiogo ma...??? Yimsusur/loktiliba lennir dangi oa Tsüngrem o agi ajungshiogo ma...??? Aji oda, toklang tenzükertemi pei tata shilem teinyaksü mapa inyakdang khuret ka ama tezü-danga aser nemnem-shinema inyaka aru asü (?) Mesura mulongsoa, pelaseta, jangrapangra-a inyaka aru...??? Kechiyong anibeleva inyakyongjia, nemnem-shinema aser tezüdanga inyakra, asena temoatsü masütsü aser nubura tajangzük mangutsü. Arogopur ajunga taginubaji toklang tenzükertemi Pulpit nungi sayutsüngiba kisung masü, saka kipoksemji ajak dang tongtipangba sudaktsünur. Ano Part time tenzükker, Deacon, tenzükla, mapangsur aser mapangtsür...Parnok-ia pei nem nungloktsüba mapa shitak ochishia, ketdangsua inyaka aruogo ma...??? Pei tata shilem teinyaksü mapa kecha nunga tamakok maludaksüi inyaka/tenzüka aruogo ma...??? Sentep-senji aser loktiliba senden ajak nung meranga dena shilem tajung agia aruogo ma...??? Aji oda, pei tata shilem teinyaksü tim mapa kar nung danga tamakok aludakja lira khen meyipa reprangshidi.

Ano nutsüng-nubur ajaki asen adenba/tenzükba yimden, arogo aser loktiliba ajak nung tashi anga-a tenzüka, anidaka lia aruogo...??? Yimden, arogo aser loktiliba nuputsük/loktiliba-senden ajak nung tashi anga-a dena, anidaka, shilem tajung agia aruogo ma...??? Yimden, arogo aser loktiliba ajak nung nukdang tajung ka ama nubur, rongsen, shisatsü agi nungita aruogo ma...??? Anungji asenok küm piyong tenzüka/inyaka arudang...Tsüngrem aser nubur mulong machitsüsa tashimait/tamakok kar danga lira khen jungjunga meyipa reprangshidi. Tsüngrem oi ashir..."Nenok lenmangtem bilemdangang" (Hagai-1:5). Asenoki asenok lia aruba lenmangtem khen kanga junga bilemdangdi...Aser tamakok kar lira khen meyipa reprangshidi aser yanglushidi.

Iba Olemsabang nung lemsaba ken-o aser shisatsü ya iba ocet züluri bilemba ken-o ama tazünger angateta agitsü mepishir

Sudan nungi Khristan kibong ka jena oa US nung jenokogo



Nada aser Hamouda na den par chirnurtem noksa nung angur.

December 22, 2023: Sudan linük nung Khristan kibong ka kanga reshikangshia aliba sülen tesüsa kibong ajak United States-i oa jenokogo, aser tang mezüing parnoki US nung Khristmas amongtsü.

Hamouda aser pa kinüngtsü, Nada na den par chirnurtemi Islam yimsü toktsür Khristan yimsü agizükba agi Arab Muslim linük- Sudan nung par kibong kanga reshikangshia liogo.

Sudan linük nung Islam yimsü amangertemi tanga yimsü dangi meyipba nokdanga liasü saka 2020 küm iba ozüing agienogo, ajisüaka iba linük nung Khristan yimsü dangi meyipertem maneni kanga reshikangshir, ta ADF International-i metetdaksü.

Nada aser Hamouda nati Khristan yimsü agizükba ajanga tena kibong akümbaji 'taila' anungji tenati ozüing alema nüktapangtaogo, ta tena nem tai tonglokja liasü.

Sudan nung aliba court balala nung ADF International-i tena atema ken o jembija liasü, ajisüaka tena taküm lendong nung lir, ta meteta ADF International-i Shai Fund aser Ambassador Services International den senteper Nada'er kibongji US nung jenokdaksüogo.

ADF International nung advocacy for global religious freedom director, Kelsey Zorzi-i par kibong US nung jenokba atema pelaba lemsatap.

Zorzi-i, "Nada, Hamouda aser par chirnurtemi joko tetsübu kecha makai pei yimsü benshitettsü. International aser Sudan linük ozüing napronglai pei yimsü amangtsü atema temeden agütsür, ajisüaka Sudan nung Khristan yimsü dangi meyipertemi maneni sorkar aser nüburtem

dang nungi amokmeren ajurur," ta metetdaksü.

2018 küm Hamouda-i mezüing Khristan yimsü agizük, iba sülen 2021 küm Nada-ia Khristan yimsü agizükba sülen nungi par kibongi timtem ajurua aru.

Tena kibong akümba sülen Khristan yimsü dangi meyipba ajanga tena kibong akümbaji 'taila' kümogo; kechiyong Muslim tsür kati Khristan ka den kibong akümbaji ozüing alema lir, ta Sharia court-i obendang agüja liasü.

Iba obendang nungji ajemdaker tenati nüktapangtaogo, ta shia tena anema ken o benok.

Court nung tenati iba ken o nung takok angu ka asünunga tena tepsettsüsa liasü, kechiyong

Nada tedii tena tepsettsü nangzükler liasü.

Ano iba ken o nung tenati tamakok angu nunga sorkari tena nem tasüba obendang agütsütsü liasü, ibayongji tena rongdak süa US-i jena odaktsütsüsa aküm ta Zorzi-i ashi.

Nada aser Hamouda na lanuwa nungi metettepa liasü. Tena kibong akümba sülen küm asem dang lirbo Hamouda-i Khristan yimsü agizükba ajanga Nada'er kibong kanga aoksa. Mezüingbo Nada-i pa kinüngbu dang kanga jashia liasü aser lar kibong züingsemtemia la dang kinüngbu tokjang ta la rongshia liasü.

Video ka ajanga Hamouda-i, "Ozü kibongi ni sendok aser ozü kin-ia ni sempa. Atangji ni kanga jashia liasü, kechiyong parnoki ni kü kinüngtsü den baladaksü aser ozü chirnurtem anir ao. Ajisüaka ni Khrista medoktsü," ta metetdaksü.

Küm asem pilar aliba sülen Nada-a Khristan kuma kinüngu dangi oa ali. Hopta ana shi lir lar adianui ketdangsertem dang iba osang metetdaksüba sülen tenaprong jail nung puok.

Hamouda'er medemertemi ADF International alliance dang nungi teyari meshia liasü.

"Ita aika ken o angadanga aru. Onoki iba ken o nung tamakok ngura onok tepsettsü, aser onoki iba ken o nung takok angununga Nada'er adianu onok tepsettsü, ta yimjak nung sangdonger liasü," ta Hamouda-i metetdaksü.

Nütsüing million 44.6 aliba Sudan linük nung Khristan nütsüing shilem 4.4 dang lir, aser Khristantemji kanga reshikangshir.

Open Doors' 2023 World Watch List nung alima nung Khristantem reshikangshiba linük tamajungtiba 50 nungi Sudan ya jenjang 10buba nung lir.

Khristan tetsürtem, talisa Islam yimsü toktsür Khristan yimsü agizükertem tashiyim amshia raksatsür, kangshia Muslim nunger den kibong kümdaktsür aser kinüngburtemi azükler.

ANOGO ABEN TSÜNGREM DEN

Nemnemba nung tebilemstsü

Tazüing 1:26- 46

Aser lemsatapba agi süshia, amajok asüküm agi süshia, kecha teinyak. Filipi 2:3

Nemnemba! Asenoki ajaklen angashir - kibong nung, külem mapa inyakertem rongnung, asenok tembartem nungi aser arogo nunga. Ibai asenok mapang indoktsü mapa tajung amai ka lir. Saka tenyar Pauli nemnemshishia kecha mapa teinyak ta ajungshir. Pai amajok nung kecha meinyak (Fil. 2:14).

Maneni nemnembaji asenok asoshi majung ta Tsüngremi metet aser yimya agi ibaji mepelai atemer. Kodang Israel chirtem maneni nemnem, iba nungi adokbaji lendong liasü. Yihusua aser Kaleb dang tenangzükba limai aitsü mela.

Langkati asenok meinprongdang mesüra asenok bilemdang kechi inyaker? Pauli ashi, "Nenok tebang nungi O tamajung kata tadokdaksü. Saka tenüngdaksü amato kechi yangluloktsü asoshi tajung lir, tangashirtem nem taochi agütsütsü aji jembiang" (Ef. 4:29). Nemnemdang nungi asenoki Khristan süneptsütsü ta amanga, tangar dangi orr indangindanga ochishia, tasü itta aser temeim agi jembitsüla. Tanela teyari ajanga asenoki tenemnem Oji taochi O agi melentsü akok. Asenoki Yisu Khrista ain metaloka alir ta asenok tebangmechi aser taküm libaliro ajanga tangar dang sayutsü akok.

Kibuba Yisu, tanüsa kü nemnemshishi Otem taochi O agi melenjang. Amen.

Thailand nung Hmong aser Montagnard Khristantem aika apu

December 22, 2023: Vietnam nungi jena aoba Hmong aser Montagnard Khristantem aika Thailand nung apuba sülen reshikangshir, ta International Christian Concern (ICC)-i metetdaksü.

Tesüiba küm ishika tsüingda Vietnam nung reshikangshi marem Khristantem aika Thailand-i jena oa jenokogo, ajisüaka Thailand nung ketdangsertemi bendangertem mita aoba ajanga yangjia Khristantem maneni reshikangshir.

International Christian Vietnam nunger aika puogo. Concern (ICC)-i local December 7 nü missionary, partners den senteper Lù A Da - Lù-a Bangkok Thailand nung Hmong aser nung apuba sülen tang tashi Montagnard Khristantem local police station ka nung lir. reshikangshi nungi kümzüktsü Lù ya taoba mapang Vietnam atema inyaker. nung aliba Northern

Hmong Human Rights Evangelical Church of Coalition-i ashiba agi, Vietnam Vietnam nung missionary liasü nung reshikangshi aliba ajanga saka reshikangshi ajanga 2020 2023 küm December ita tashi küm Thailand-i jena ao.

Nung Thailand nung jenoka alir November ita nunga Hmong nunger 1,000 dak Montagnard Khristan 11 tema lir aser Montagnards apuba sülen tang tashi nunger 1,500 shi lir. Immigration Detention Centre

Taoba hopta ishika tsüingda nung puoka lir, ta ICC-isa Thailand nung police-i metetdaksü.

AO OSHI ANGAZÜKDAK: TANÜ ANGAZÜKTSÜBA OJANG



Shim

(v) tenüngteta agitetba, mapa kar atema nüngtetba (nominate)

* Arogo nungertemi sannüker tasen ka shim.

Shimak

(adj) temang pezübelemba, amui aoba (fatigue)

* Temang majung dang kanga shimaka akümer.

OLONG PAITEP # 6652

Grid for crossword puzzle #6652 with numbered squares.

TIPILEN

- 1. Nisung jenti - (5)
4. Tsük rudenba - (5)
6. Temzüng tesashi - (5)
8. S ___ i - (3)
9. Nisung telemsa - (3)
10. Anogoshi - (4)
12. Ajanga aor - (4)
13. Tsük rizüngdak - (3)
14. Tebang nungi adokba - (3)
16. Süngdong tatembangtiba - (5)
17. Meputep - (5)

LANGTSÜNGLEN

- 1. Tenük telong - (9)
2. Committee dang ajar - (5)
3. Yagi ki okdoker - (7)
5. Yim lenmang - (5)
7. Temoatsü keter meyipa aruba - (9)
11. Kanga junga menemba - (7)
12. Majinü - (5)
13. Tzüma nung senzüba - (5)

OLONG PAITEP # 6651 TELANGZÜBA

TIPILEN :

- 2. Bangsemo, 6. Tiptem, 8. Jen, 9. Talilla, 11. Aren, 12. Tzübo, 14. Alia, 16. Angati, 17. Odi, 18. Azü, 19. Sünglang.

LANGTSÜNGLEN :

- 1. Yipten, 3. Nüja, 4. Sangro, 5. Milen, 7. Tulu, 10. Laza, 11. Aben, 12. Tiyong, 13. Ajizük, 14. Aitsü, 15. Tasa, 16. Aina.

NAI-A YA METETTER MA

ALIMA TANABUBA RARA

Alimatanabuba rara; Second World War nung ajak senteper nisung million 70 nungi 85 tsüngda sür alitsü ta amanger. Linüktem ajak rongnung Soviet Union nungi nisung timba asü aser asür ya million 22 nungi 27 tsüngda asütsü ta bilemer. Tanabuba nung China liasü, kong nisung million 20 shi süa liasü. Asür shilem 80 bo Allied linüktem nungi liasü aser asürtem timba civilian liasü. Iba den medemdangra asürtem ya Axis powers nungibo shilem 15 nungi 20 tsüngda liasü aser asürtem timba sepaitem dang liasü.

Form for 'Tepela Tasoba Anogo' with fields for name, school, class, and address, accompanied by a birthday cake illustration.

Manipur speaker dang CPE anema jenjang agitsü mepeshi

Imphal, Luchii/December 22 (Agencies): Yimden yimsüsür tejen Okram Joy Singh-i Hokolbarnü Manipur Speaker dang state legislative assembly nung Committee on Privileges and Ethics (CPE) züngsemtem anem jenjang tapet agitsü mepeshi metetdaksüogo.

CPE-i Brehostibarnü Minister ana densema Kuki-Zo MLA 10 dak sendakba ken o sensaksemtsü atema tongtibang senden ka ayongzüka magiba atema iba temepeshiba agüja liasü.

Brehostibarnü senden amentsü atema CPE mendenbuba aser MLA Sapam Nishikant bo aru saka tanungba züngsemtem maru

Kuki nunger MLA 10-i latetja aliba ama inyaksangshi masüba anema yimden yimsüsür tejen Okram Joy

Singh-i tashishiba ka agütsüba sensaksemtsü atema CPE senden ayonga liasü.

MLA 10 yagi administration balaka khanga Union Home Minister nem shiti ka agütsüba sülen iba tashishiba benoka liasü, kechiyong iba ajanga Manipur lemdangtsü amokmerener, ta Singh-i osangbenertem dang ashi.

Ken o dak sendakba nung Singh-i tashishiba ka agütsü aser shiti ya copy ka PMO dangia yoka liasü. Kuki MLA 10 anema tashishiba ya Manipur Speaker nem May 18 nü agüja liasü.

PMO tetuyuba nung Manipur chief secretary-i assembly secretariat dang, Manipur Legislative Assembly nung Rules of Procedure and Conduct of Business kübok Rule 91 dak ajemdaker Kuki nunger MLA 10 anema jenjang

agitsü tetuyuba agütsü. Osangbener kati ken o ashishiba mapang Singh-i, kechiba Speaker aser CPE-i Kuki nunger MLA 10 ya kümzüka ayutsü meranger ta asüngdang aser ashiba agi, state sorkari Kuki nunger MLA tem kümzüka arudar, shirnoki Manipur lemdangtsü amokmerener.

Paisa, CPE züngsemtemi iba tongbibang senden nung shilem magitsü telemtetba agi.

Senden nung shilem magiba MLA tem rongnung Rajkumar Imo Singh (Sagolband AC), Mohd Abdul Nasir (Lilong AC), Md Achab Uddin (Jiribam AC), Surjakumar Okram (Khangabok AC) LM Khaute (Churachandpur AC) aser Sanasam Premchandra (Kumbi AC) nunger densema liasü.

Assam sorkari ali makaba lisopurtem nem ali agütsütsü

Guwahati, Luchii/December 22 (Agencies): Assam sorkari cabinet senden mapang, state nung lisopur kibong 1500 dak tema nem land settlement benefits agütsütsü asoshi telemtetba agiogo.

Assam kübok district 13 nung lisopur kibong 1540 shirnok ali maka lir, parnok nem land settlement benefits agütsütsü.

Assam sorkari Mission Basundhara 2.0 nung shilem ka ama iba jenjang agiogo, koba ajanga ali makaba lisopurtem nem ali agütsütsü meranger.

District 13 ya Dibrugarh, Tinsukia, Charaideo, Sonitpur,

Lakhimpur, Dhemaji, Darrang, Bongaigaon, Biswanath, Goalpara, Nalbari, Hojai aser Bajali lir.

Kasa mapang nung Mukhymantri Awaz Yojana scheme kübok Assam sorkari ki lakh 1.3 yanglutsü, ta ketdangsurtemi metetdaksü.

Iba scheme ya Pradhan Mantri Awaz Yojana (PMAY) den kasa lir aser centre sorkar nungi teyari mangurtem nem iba tajangzüik ya agütsütsü.

Iba den bendenloksema Assam sorkari ali balala lemsütsüba den annual patta 61 periodic patta agi melentsüogo,

educational institution (sorkar aser nija) 16 nem ali agütsüogo, NGOs/lokti tentet 128 nem temelaba agütsüogo aser sorkar institution 96 atema ali lemzüksüogo.

Assam cabinet-isa, VGR/PGR ali wazüka ayutsü atema proposal 197 agizükogo aser iba den district balala nung ali makaba lisopurtem tem atema ali mekazüka toktsüogo.

Iba jenjang agiba ajanga ali makaba lisopurtem kümzüka ayutsü aser iba ajanga lokti liba aser rongsenketzüng renloktsü atema sorkari jenjang tapet agiba sayur.

Manipur CM & DoNER Minister na terenlok asoshi sensak asem



Imphal, Luchii/December 22 (Agencies): Manipur Chief Minister N Biren Singh aser Union Minister of Tourism, Culture and Development of North Eastern Region of India Gangapuram Kishan Reddy na Hokolbarnü Manipur CM indang Secretariat nung, iba tesem terenlok asoshi sensaksemogo.

CM Biren Singh X sabang ajanga, "central scheme tasenba, North East Special Infrastructure Development Schemes (NESIDS) koba India sorkari senotsü teyari agüja inyaksü lir iba ya NE nung sector kar nung infrastructure meperi aliba

süngdaksütsü asoshi lir," ta ashi.

Prime Minister's Development Initiative for North-East Region (PM-DevINE) kübok 31, 03, 2026 tashi nung Manipur indang shilemji crore 561 lir.

01, 04-2022 sülen Detailed Project Report (DPR) ji crore 175.04 lir.

01, 04, 2022 sülen In-principle nung agizükba ji crore 171.65 lir aser project tasen atema balance outlay ji sen crore 214.31 lir.

In-principal nung agizüker aliba project tem atema DPR tem State Level Empowered Committee (SLEC)-i agizükba

sülen takaratiba nung benoktettsü. State indang balance outlay dak ajemdaker concept notes ya sen crore 214.31 atema benoktettsü.

Chief Minister-isa, "development of North Eastern Region (DoNER), North East Special Infrastructure Development Schemes (NESIDS) aser North-Eastern Council (NEC) kübok tang inyaka aliba project tem lepa reprangshiogo. Maneni tesendaktep akangshitsü, senzüsenpong aser tourism ajungkettsü aser state rongsenketzüng terenlok asoshi onük tasen benoka sensaksemogo," ta ashi.

Cipher case nung Pakistan SC-i Imran Khan nem bail agütsü

Islamabad, Luchii/December 22 (Agencies): Hokulbarnü Pakistan indang Supreme Court ajanga taoba ato kilonser Imran Khan aser taoba foreign minister Shah Mahmood Qureshi na nem cipher case nung bail agütsüogo.

Justice Sardar Tariq Masood-i anir linük nung tematiba court nung Justices Athar Minallah aser Syed Mansoor Ali Shah nungeri bail agizüka PTI lenirtem dang surety bonds Pakistan nunger sen million ka-ka agütsütsü totuyuba agütsü. Cipher case ya danga linüktem den sorkar o sorkar tsüngta osangtsüsang agitepba indang ka lir, koba taoba

küm April ita Imran Khan ato kilonser meden nungi atsüngdokba sülen osang balala nung jembia arur.

Taoba mapang Imran Khan aser mapang talangka nungi pa den yariteper Qureshi nati iba document nungya ato kilonser menden nungi Imran Khan atsüngdoktsü asoshi US-i amokmerenba shia lir ta ashir. PTI lenir anaprong anema October 23 nü ken o benok saka tenaprongi aibelen mali ta nokdak. Iba ken o ya Rawalpindi nung aliba Adiala Jail nung jembia tenzük aser nisung pezüi kuli agütsüogo.

Ajisüaka sorkari tepuokdak ken o jembitsü metetdaksüba ya

aibelen lir ta Islamabad High Court ajanga ashi aser iba dak sendakba inyakyim ajak tzungla kumsü.

Ajisüaka Islamabad High Court ajanga Imran Khan anema ken o benoka jembitsü mela aser special court judge nem ochi obendang agütsütsü nungloktsü.

Pakistan Tehreek-e-Insaf (PTI) ajanga taoba hopta linük nung tematiba court dangi ao aser cipher case nung Imran Khan mapudang bail agütsütsü asüngdanga liasü.

Iba ken o nung temzüng-ozüing meteter tem atsütepba mapang temaba court ajanga bail agütsütsü telemetba agi.

Red Sea nung Houthi telungpuri timtem agütsüba nokdangtsü US-i sangdong

Dubai, Luchii/December 22 (Agencies): Red Sea ajanga senzüba rong tem nung Houthi telungpuri missile aser drone amshia tali amakba nokdangtsü asoshi United States-i "Operation Prosperity Guardian" nungja agütsür linük ter coalition sangdong.

Iran-i yariba Houthi telungpur-i Red Sea nung totzü abenba rong, khu abenba rong aser danga rong dak amakba tali kumogo, anungji alima nung shishilempaba shilem 12 ajanga aoba lenmang ya kanga mejungi kumogo. Shishilempar temi amshiba rong tem amakba ajanga alima nung shipping company tulu aser totzü atsüba company tulu kar tetsübo nung lenmang melenshitsu akum.

"Non-state actor temi timtem agütsüba koktetsü asoshi 'freedom of navigation' tangatetba wazüka ayutsü merangba linüktem lungjemtsüla," ta US Defense Secretary Lloyd Austin-i sangdong ka nung ashi.

Iba coalition nungya United States, United Kingdom, Bahrain, Canada, France, Italy, Netherlands, Norway, Seychelles aser Spain linüktem lir. Linük ajunga tetsükdaksü majurui tzüyim nung senzüdaksütsü aser region nung security tajungba kumdakja yimchiyimjung atema iba telok yagi inyaksangshitsu, ta Austin-i ashi.

Yemen nung Iran-i yariba Houthi telungpuri ashiba agi, taoba mapang Gaza bhukuma Red Sea nung Israel den sendaktepa aliba rong ana amak. Israel-i Hamas telungpur anema raraba anendaksütsü meranga Houthi telungpuri Norway meyong Swan Atlantic aser MSC Clara rong amakba ya aliba nung shishilempaba nung timtem ajurutsüsa tzüyim nung lendong atalokba rongnung tang tasenba lir.

Houthi telungpuri sangdong ka nung, Zionist entity den sendaktepa aliba rong ana anema military operation agi, ta

ashi. Gaza nung chiyongtsü aser mozü talila magütsü tashi parnoki Israel rongnendak leni aoba rong ajunga nokdangtsü nangzük.

BP-i Hombarnü sangdong ka nung Red Sea ajanga totzü, liquid natural gas aser danga energy supplies aoba ajak khen asoshi anena atatsü lemetetogo, ta ashi. Taiwan indang shipping firm Evergreen-ia Israeli cargo shipments anena atar ta ashi.

Alima nung tanker company tulutiba rongnung ka, Frontline-ia rong lenmang melenshir aser South Africa indang Cape of Good Hope ajanga senzütsü akok ta ashir, koba lenmang kanga agi talangba aser totzü tali agir.

Italian-Swiss giant Mediterranean Shipping Company, France indang CMA CGM, Germany indang Hapag-Lloyd, Belgium indang Euronav aser Denmark indang A.P Moller-Maersk - item ajak yagi Red Sea ajanga senzüba anenogo.

Czech Republic nung nisung 14 tepset, anogo ka mangyimtsü

Prague, Luchii/December 22 (Agencies): Arishi küm 24 tain kaketshir kati pa tebu kasetba slen par Prague university nung nisung 14 khaseter nisung 25 yirutsüba yong Czech Republic nung anogo ka mangyimtsü sangdongogo.

Cabinet senden balaka amenba sülen Tir Petr Pavel-i December 23 ya mangyimba anogo asütsü sangdong aser sorkar meyong ki o jen nung songa aliba nisan tom nung ayutsü aser nübürtem dang teroto nung minute ka süngjema alitsü asüngdanga liasü.

"Menügdakba nung lanur takum aika samaba asoshi tejashi den teimla makai jashiba lemsateper," ta Pavel-i ashi.

"Asür kinungertem, lendong ajuru alirtem den tejashi lemsateper, koba Czech Republic puti otsü nung tamajungtiba lir."

Iba lendong ya Brehostibar nikongdang Prague Castle

nungi ayong ajanger Charles University indang Faculty of Arts nung atalok, aser iba anasa century 14 buba nung yangluba Charles Bridge lir.

Kaketshirtem iba ki nungi tena makanger ainshiba aser kar kilem anasa atsüka aliba aser class takdang nung desks aser chairs agi nembanga aliba noksa nguogo.

"Iba lendong nung nisung 14 asü aser 25 yiru, aser item rongnung par 10 kanga sashia yirur lir," ta police tekolakba Martin Vondrasek-i osangbener dang ashi.

"Asürtem ajak ya iba university telung nung tepsetba lir ta pai ashi. Asürtem ya karbo nisung khasetsang den külem kaketshirtem lir ta osangtem ajanga ashi.

Dutch Ministry of Foreign Affairs-ia yirur alir ka par senso lir ta ashi.

Nübürtemi university kima candles tsüklok, koba 1348 küm

amenok aser central Europe nung tejentiba university rongnung ka lir.

"Asen university züngsemtem takum samaba atema onoki mang ayimer aser mangyimer kibongtem den asükhü lemsateper aser iba lendong agi kongshir alirtem asoshi sarasademtsür," ta Charles University ajanga sangdong ka nung ashi.

Prangbong amer arua nisung khasetsang ya taoba mapang police temi memetet liasü aser pa ket nung ozüing agi melaba prangbo aika liasü aser osang angashili police temi mera agiba ajanga lendong tamajungba ataloktsü aliba nungi kumzük, ta Vondrasek-i ashi.

Prangbong bena alisang lecture ka nung adentsü aliba Faculty of Arts building ka police temi azüngtet, saka ano faculty indang building tulubai jaok, ta Vondrasek-i ashi.

(Maneni tapak 8 nung...)

MULUNGNEN O



Ozü temeim ojala **Mrs. TSÜKNUNGTOLA LONGKÜM TSÜR** (wife of Lt. Rev. Tsüknung Imchen) mapang tatsüka shiranger, küm 91 nung 02.12.2023 nung alima nungi piladang, Longjang Arogoi anir Arogo balala, Yimer Yimsanger aser kiyonger kidangertemi arua onok den temeim lemsatepung, ajak dang kanga pelaba metetdaksür. Ano hospital nung aliba staff tem kanga dang bendanga yariogo, nenok mapang aser nubu tajung asoshi Tsüngremi nenok ajak mojang ta ozü sarasadem.

-Temeim Kinungertem.

Rara matem tashi pua alirtem mechioktsü: Hamas

Gaza City, Luchii/December 22 (Agencies): Israel-i tashi ajak amshia amakba anentsü memulung tashi pua alir kata mechioktsü, ta Gaza Strip nung yimsü asüba telok Hamas-i ashi.

Gaza nung ita tetenzüklen khen asoshi rara anena atadang pua alir 100 dak tema chiokba sülen Hamas telungpur 2,000 dak tema tepsetogo ta Israel-i ashir.

Israel nungi October 7 nü pua bener aoba nisung 120 shi tang tashi Gaza nung pua yua alitsü südi ta amanger.

United Nations nunga iba rara atema pangzüng ka renemtsü asoshi maneni inyaktepba mapang lir.

Tang yangludanga aliba UN Security Council pangzüng nung tebilemdangtsü jenti lir ta US-i shiogo, aser iba atema voting ya Hokulbarnüi thinenogo.

Gaza nung rara manener, kong Israel-i iba tesem north aser south tsütsü bomb pokloktsür aser Hamas-ia Tel Aviv nung rockets khaloktsür.

Palestine nunger tepsetba rongnung linük south tsütsü Khan Younis yimti nung police station ka indang director aser Gaza health ministry tekolakbar jala dena lir.

Ita tetenzüklen hopta ka rara anena ataba mapang Gaza-i teyari timba yok, kong Israel aser Hamas tsüngta rara manenra nübürtem yawara ajurutsü ta UN-i tekumdangtsü shiogo.

Egypt yimtiba Cairo nung rara anena atatsü asoshi jembishinüba mapang lir, saka Bodhbarnü jembishinü

tenzükdang tangatetep kecha meliasü.

"Tashiyim amshiba ajunga manen tashi tepuokdak alirtem indang mesüra parnok melenteptsü asoshi jembishinü masütsü ta Palestine nunger linük ajunga telemetba lir," ta Hamas-i sangdong ka nung ashi.

Gaza Strip nung ano Islamic Jihad telokia Israel nunger kar pua lir ta ashir.

Hamas sangdong ajanga Israel sorkar jenjang tamajung ka nung yutsür.

Hamas dak mitkar tsütsü nungi mera agia rescue operation aginungang ajungtsü amai bilemer ta ashir.

Saka tang tashi iba mera magiteter. Tang tashinung pua alirtem rongnung Ori Megidish dang kumzüka lir.

Tang tashi mechioki pua aliba kinunger temi sorkar dang kanga ajungshir aser par sepaitem tasa agi mapa meinyaker ta ashir.

Israel sorkari Hamas tashi mesamatsü tashi rara anentsü khenyongi memulunger, saka aji tang tashi meinyakteter.

Ibai Gaza nübürtem asoshi tejashitsu osang tulu asütsü, shirnoki iba rara anendaksüner.

Hamas meyong health ministry ajanga Hokulbarnep sangdong ka nung October 7 nungi tenzüka tang tashinung Gaza nung nisung 20,057 süogo aser yangji tila tanur 8,000 dak tema aser tetsür 6,200 lir ta ashi.

Hamas aser par den sendaktepa aliba teloki October 7 nü Israel arütsü rakkoka aidang parnoki nisung 1,200 tepseta liasü.



Ministry of Health and Family Welfare
Government of India

MODI GOVERNMENT'S GUARANTEE



Ajak atema jenjang aketba Healthcare Service

**Ayushman Bharat
Pradhan Mantri
Jan Arogya Yojana**



**Sen lakhs 5 tashi
angati Medical
Treatment Agütsütsü**

28 dak tema
Crore **Ayushman Cards**

**Ayushman
Arogya
Mandir**



**Ki anasa Healthcare
Services Agütsütsü**

1.62 dak tema
Lakh **Ayushman Arogya Mandir**

**Pradhan Mantri
Bhartiya Janaushadhi
Pariyojana**



**Jenjang aketba
Mozü tajung
Agütsütsü**

10 meyrejang
Jan Aushadhi Kendra's

HAMARA SANKALP VIKSIT BHARAT

Czech Republic nungnisung 14 tepset... (Tapak 7 nungi...)

Taküm Russia nung kaset ta ashir. Prangbong bena alir ka ajanga pa ajungmeso ta kisüngi lanur timba takum social media network nung samatsüogo," ta Ato osang kar aliba police temi Kilonser Petr Fiala-i ashi. ngutetogo, ta pai ashi.

"Iba ama mapa tamajung inyakba atema temeden kecha mali," ta pai ashi. United States Tir Joe Biden-i iba azüdokshi aitsü aser White House-ia teyari agütsütsü renema lir ta ashi. France Tir Emmanuel Macron-ia Czech nüburttem den asükhu lemsatep aser yamaji European Union lenir Ursula von der Leyen aser Ukraine Tir Volodymyr Zelenskyy nungeria asükhu lemsatepa liasü. Iba lendong agütsüsanger ki meita aoba mapang iba

nisungba yagi December 15 nü Prague nung nisung ka aser par ita ana tanur ka tepsetba atema temulung melemteti lir, ta Vondrasek-isa Brehostibarnü ashi. Czech Republic nung prangbong amshia mapa tamajung inyakba kangabo mataloker.

December 2019 nung arishi küm 42 tain prangbong bena alir kati Czech anüdoklen Ostrava nung mozüki ka nung nisung trok tepset aser jena ao, saka pa sasa khaseta asü, ta police temi ashi.

2015 küm nisung kati Uhersky Brod nung nisung ti khaseta sülen pa sasa pa khaseta liasü.

AR aser APO na arr atsütepa liasü

Dimapur, Luchii/ December 22 (TYO): HQ IGAR (N) tawabangba kübok Assam Rifles-i ayongzüka December 21 nü Kohima nung Angami Youth Organisation (APO) den arr atsütepa tetoktepa ka ayongzüka agiogo.

arr atsütepa mapang team anapronglai tejangraba tulu nung takok tashi meranga asayaba ajanga asayar aser terpangetem ajak jangrademdaktsüogo. Iba amala sentong ayongzüka agiba ajanga telongjem adokdaktür aser lanurtem ajungmesor. Kanga dang toktepa arr atsütepa sülen Kohima Bn nungi sepaitemi iba tetoktepa koka liasü. Iba asaya ajanga tebilemba, tajangshiba lemsateptsü asoshi maongka agütsüba den local tem den tesendaktep tali tajungba yanglushitsü asoshi lenmang lapoktsüogo.

Bajrang Punia-i pa indang Padma Shree Award meyipa agütsütsü

Luchii/December 22, 2023 (Agencies): Sanjay Singh WFI tir akümba sülen Olympic nung medal dena ngur aliba wrestler Bajrang Punia-i pa indang Padma Shree award Ato Kilonser Narendra Modi nem meyipa agütsütsü telemtepa agiogo.

Bajrang-i social media ajanga iba telemtepa agiba PM nem metetdakja liasü. Pa nem Padma Shree award ya 2019 küm agüja liasü. Sanjay shiba taoba WFI tir Brij Bhushan Sharan Singh den kanga junga sendaktepa lir, pa tir kümogo aser par teloki mapa 15 nungi 13 koka liasü.

Malik, Vinesh Phogat aser Bajrang Punia shirnoki federation nung lenirtem melentsü atema kanga ajanga nokdaka aruogo parnok Brij Bhushan den kanga junga sendaktepa alisang Sanjay tir asütsü shimba atema kanga mepelar.

Sakshi-ibo la wrestling asaya nungi anenba Brehostibarnü osangbenertem den sensaksemba mapang sangdongogo.

Bajrang-i ashi. "Onoki oversight committee-i osang agütsütsü asoshi ita asem ata aser iba sülen ano longkak aita liasü. Onoki tetsürtem aser jalatem nem ochi obendang agütsütsü asoshi raraogo," ta Bajrang-i ashi. Tokyo Games nung bronze medal ngur alisang yagisa, rara talang ka raraogo aser ochi obendang mangu tsüingda ano putu ana asem ka kangshitsü akok, ta ashi.

Gaikwad South Africa den Test masayatetsü

Luchii/December 22, 2023 (Agencies): India nunger batter Raturaj Gaikwad temeyong yiruba sülen South Africa den Test ana asayatsü aliba nung shilem magitetsü, ta BCCI source kati metetdaktsü.

"Raturaj Gaikwad temeyong yiruba sülen South Africa den Test ana asayatsü aliba nung masayatetsü," ta source-i shisem.

Iba hopta tetenzüklen South Africa den tanabuba ODI asayaba mapang ball ka aputsü merandang Gaikwad temeyong yirua liasü.

Kasa mapang nung taoba India captain Virat Kohli, shiba India Test team den South Africa-i or liasü pa kidang jongdak mapa kar adokba kati PTI dang Hokolbarnü ashi.

BILEMDANGANG

"Pela alitsüji ajak dang tongtibangtiba."